

آبونه شرايطى
داخلى و خارجى، هر برايجون
سنه لکى (۲۵۰)، آلتى آيلنى
(۱۳۰) فروشدر .

نسخه سنى ۵ فروش ،
سنه لکى ۵۲ نسخه در

اداره خانه

بابى عالي جاده سنده دائره مخصوصه

اخطارات

آبونه بدلى پيچيدر

لکى موافق آثار مع المنونيه
قبول اولنور . درج ايدله يني
تقريب اعاده اولونهار

والله يهدى من يشاء الى صراط مستقيم

محمد عاكف

اشرف اديب

اتبعون اهدكم سبيل الرشاد

الرشاد

سنة ١٣٣٨

دينى ، فلسفى ، علمى ، ادبى ، سياسى هفتلق مجموعه اسلاميه در
ساحب و مدير مسئول

پنجشنبه

۲۸ جمادى الاولى ۱۳۳۸

۱۹ شباط ۱۲۳۶

جلد ۱۸

عدد : ۴۵۹

اخطارات

ادرس تبديلنده آبريجه بنى
غروش كوندر ليدر

مكتوبلرك امضالرى واضح
واوقوناقل اولسى و آبونه صره
نومرو سنى محتوى بولمى
لازمدر

ممالك اجنبيه ايجون آبونه اولانلرك
آدرسلىنك فرانسزجه ده يازلمى
رجا اولنور

پاره كوندر ليدكى زمان نه يه دائر
اولدينى واضحاً بيلديرلمى
رجا اولنور

لسان رسالتدن شرفصا در اولدینی زمان عجا بو حيله لر ، بو قیاسلر ،
بو بربری نقض ایدن قاعده لر ، بو منشئت اصوللر ، طریقلر نرده
ایدی ؟ .
عبدالمزیز چاویش

مباحث علمی و اجتماعی

اسلام وسوسیالیزم

هندستان کابر علمای اسلامی سندن شیخ مشیر حسین قیدوای حضرتلری
بو سرنامه ایله بوندن سکر سنه مقدم انگلیزجه اوله رق مهم بر اثر نشر
ایتملردی . بو هفته دن اعتباراً بو اثری ترجمیه ابشار ایدیورز . قارئلر
طرفندن کمال اهمیتله تعقیب اولنه جنی شبهه سز اولان بو موضوع خطیر اک
صلاحیتدار بر قلملر محمول تقبی اولدینی کی بوبابده ایلك دفعه یازیلان بر
اثردر . غرب علماسندن بر چوغشک اوزرنده حسن تأثیری کورولش
وتقدیره مظهر اولش بویه برکتناک محترم دینداشمز طرفندن تحریر ونشری
الته بزم ایچون بادی افتخاردر .

۱ - اسلام سوسیالیزمنک اساسی

«کان الناس امة واحدة»

«انسائلر امت واحده در . قرآن کریم بویه دییور . بشقه
برآیت کریمده » محققدر که نزد آلله ال قیمتدارکز ال زیاده متقی
اولانکزدر . » دینلرکی کی دیگر برآیتدهده . بتون مؤمنلر آنحق
قرده شدر . قرده شلرکزک آرمسنی اصلاح ایدیکز » بیوریلور .
ینه قرآن حکیم : «ای انسانلر ، بز ، سزی بر دیشی ایله
برارککدن یاراندق . سزی اقوام وقبائله آیردق که برکزله طانیسه .
سکر . نزد آلله ال کریمکز ، اللهدن ال زیاده قورقانکزدر . »
دیمکده در .

عليه الصلاة والسلام افندمن بر نطق پیغمبریلرنده شو صورته
اداره کلام ایدیورلر :

«ای ناس ! جناب حق سزی جاهلیت قنقلرندن ، اجداد ایله
تفاخردن قورتاردی . هیچ بره ربک دیگر قومدن اولان بر آدمه رجحانی
یوقدر ، مکرکه تقوی ایله اوله . هیکز آدمدن سکر ، آدمده طور اقدندر .
«ای ناس ، جناب حق هیکزک اللهم در . بتون نوع انساننک
اصلی بردر و دینلری عینی دیندر . »

شاعر اسلام سعیدی ، بو اقتباس ایتدیکز سوزلری ، بو ییتلریله
بیان ایدیور :

بنی آدم اعضای یکدیگرند . که در آفرینش زیک گوهرند
چو عضوی بدرد آورد روزگار . دیگر عضوهارا نماد قرار
یعنی ، ابنای آدم بر موجودیتک اعضاسیدر . چونکه هبسی ده بر
جوهردن یارادیلشدر . برعضو المله متأثر اولورسه بتون موجودیت
اوالمله مختل اولور !

(مابعدی ۱۹۶ نجی صیفه ده در)

خاطره لردن مزهدر . اسم پاک مال ، فیض کبریایی متعالی ، حکمتی
کامل ، نعمتی شاملدر . قولارینه قارشی حجت بالغه سی ابدیاً قائمدر .
«الله ذوالجلال شرعنده تنافض کی ، اختلاف کی شائبه لر
بولونمق نقیصه سندن کلیاً متعالیدر . اگر بوشریعت اللهدن باشقه سی
طرفندن ترتیب ایدیلش بولونهیدی بر یغین اختلاف ایله مالا مال
اولوردی . هبات ، او بر شریعت غرادر که احکامی آره سنده کی اختلافه
اقسامی بیتده کی تعادله سوز یوقدر . هر درلو نقصدن میرا ، هر درلو
لوندن طاهر در . رنگی بردر ، تالوندن مصوندر . ارکان ومبانی عدل
اوزرینه ، حکمت اوزرینه ، مصلحت اوزرینه ، رحمت اوزرینه
مؤسسدر . بر فسادی تحریم ایدنجی اوندن دهها بر بادینی ، یاخود
اونک درجه سنده بولونان دیگر بر فسادی ده تحریم ایدر . اسلام
اللهک اوطوغرو یولدر که اکریمی بوکریمی ، کیرینتیمی حقیقتیمی
یوقدر . او شریعت سمعحاسیدر که نه دارلق ، نه ده کوجلک یوقدر .
بالعکس او ، معاملاتنده وسعتلر ، مساعدلر کوسترن بر دین توحیددر .
هیچ بر شیتی امر ایتمز که عقل قالفسون ده » بونی نهی ایدیدی دهها
موافق اولوردی . «دیه بیلسین ؛ کذلک هیچ بر شیتی نهی ایتمز که
ذکا اورنه یه چیقسین ده » بونی ایاچه ایدیدی دهها مناسب دوشردی .
حکمتی ویره بیلسین . اونک بوتون امر ایتدکلری صلاحدر ، بوتون
نهی ایتدکلری فساددر .

«طبیاتک کافه سی مباح قیلش ، حیثیاتک هبسی تحریم ایلشدر .
اوامری غدادر ، دوا در . نواهیسی برهیزدر ، صیانتدر . ظاهری
باطنی ایچون برزینتدر . باطنی ایسه ظاهرندن دهها کوزلدر . شعاری
صدقدر . قوامی حقددر . میزانی عدلدر . حکمی ایسه فصل الخطا در .
نه برامیرک سیاستله ، یاخود برعاقلک رأیله ، یاخود بر فقهک قیاسیله ،
نه گوشه ریاضته چکیلش برمنزوینک ذوق معنویسیله ، نه ده بر زهد
وضلاح صاحبک رؤیاسیله تکمل ایتمک احتیاجلرندن وارسته در .
بالعکس بونلرک کافه سی اونک سایه سنده تکمله محتاجدر . بونلرک
ایچندن شهره صوابی بولیه موافق اولانلر وارسه بو توفیق صرف
اوشریعت غرایه اولان استناد واعتمادی سایه سنده در . دهها پادشاهلرک
سیاستلری ، ارباب خدعه نک شرعی دیدکلری حيله لری ، قیاس مبتلارینک
قیاسلری ، خلاف دوشکونلرینک اصوللری اورنه ده یوق ایلان بز
نعمت اسلام ایله بختیار ایدن جناب حق شریعت بیضاسنی اکال واتام
بو یورمشدی . «الیوم اکملت لکم دینکم واتمممت علیکم نعمتی» [۱]
آیت جلیله سنک نزول ایتدیکی ، «لقد ترکتکم علی المحجة البيضاء
لیلها کنهارها لایزیغ عنها الا هالک» [۲] - مآرکت من شیء یقریکم
من الجنة ویباعدکم عن النار الا اخبرتکم به » [۳] احادیث نبویه سنک

[۱] مآل کریمی : بوکون سکر ایچون دینکزی اکال ایتدم واوزرکز
ده کی نعمتی تمام ایلدم . اسلامکده سکر ایچون دین اولسنه راضی اولدم .
[۲] مآل شریفی : سزی نورانور بر جاده اوزرنده برالدم که کیجه سی ده
کوندوزی کی در . بوجاده دن آنحق هلاک وخسرانه محکوم اولانلر صابارلر .
[۳] مآل شریفی : سزی جنته یافلاشدیره جق ، آتشدن اوزاقلاشدیره جق
هیچ برشی برافدام . هبسی خبر ویردم .

«عقابنامه» *

بر ملکک بویوک داغنده
بر کون قوجا بر عقاب اوچاردی ؟
کویاکه جهان قاجاردی
آفاق او شاهک اوغراغنده .

* *

یوکسلی بوتون جبالی کجی ،
یوکسلی سحابک ایچندن
یوکسلی کولش قادار ... اوچارکن
کویاکه برخالی کجی !

* *

آرتیق دورارق زمینه باقدی ،
بر نخوت کافرانه دودی :
طن ایتدی اوکا قدرده اودی ،
کبر و عظمت یوزدن آقدی !

* *

قلبا دیدی کیم : نه در شو عالم ؟
بر ذره حضور شوکتمده ،
کوکار بیله زیر سطومتده ،
تیردر شو جهان زمینه اینهم .

* *

بر نظرمه آسمان آچیلش :
سیارات و ثوابتک بن
اسرارینه واقفم آزلدن ؟
طوپراق هله پایه صاچیلش .

* *

دنیا ده کزمن خیر بر مور
مهبودم اولور نگاه ایدهرسم !
یا صید و شکار ایچون کیده رسم ،
نجه مده قایلر سباع مقهور !

* *

عمانلره سایه ریز هیت
بر حجه سحاب ذی حیاتم ؟

* [عقاب عینک ضمیمه قارا قوش دیمکدر .
نامق کال اسکی روسیه دولتنک بایراغنده کورولن
قارا قوش رسندن دولای بو شرخی «عقابنامه»
تسمیه ایتشدی . کال ، او مستبد و قهار چارلق
دولتنک ناصیل بر عاقبت مخوفه دوجاراولاجنی
ایشته شو منظمه سنی اوتوز دوقوز سنه اول
یازارق کندی تعبیرنجه حادثا کرامت هر فان ایله
کشف ایلمهدر . لکن کال شرخی آتام ایده .
مه مشدی ، ایکی سنه اول چارلق روسیه سی محو
و پریشان اولونجه شرعی آتام وظیفه سی بنم قلم
عجزمه ترتب ایتدی . منظومه نلک یالکن مترضه لر
داخنه آلهیم قلمه لری کلاک ، دیکرلری بنم در .
شرک اساسی ناصر خسروک بر منظومه سندن
مقتبدر .

صینله دولار مکوناتم ،
صوتندن اوچار رعود شدت !

* *

بن حاصلی شاه بی نظیرم
عالم بکا سمده ایتسه شایان ،
علویت خلقتم نمایان :
ایعاد فضا بنم اسیرم !!
.....

* *

بر چوق داها بویله یاره کویا
اولمده ایکن ، عقاب یزدان [۲]
سیر ایله ناصیل اولوب خروشان ،
غرندده عقابی ایتدی افنا .

* *

یوکسک داغه برکزیده صیاد
بیقیمشدی ؟ کورونجه صیدی درحال
«یا حق !» دیدی برارق آتدی ذی بال ،
مغرور عقابی ایتدی بریاد !

* *

کوکسندن آلوب ده جرحه جان
سرعتله یووالانوب اینرکن ،
بیلیم بزه بویله حمله کیمدن
کلدی ؟ دیدی ، لکن اولدی تابان

* *

کوکسندگی برپر [۳] بولایق ،
لایق دیدی بزلره بو حالت :
کوکسندده دورور جناح ذلت ،
بزدن بزه کلدی هر فنانی !

* *

«بز بر نجه بر عقاب کوردک ،
دوشش بره جسمی یاره لشم ،
بر اوق یاراسیله یاره لشم ،
پیچیده انقلاب کوردک !»

* *

«فرض ایله که بر عقاب سطوت [۴]
اک ذروه سنه پیقوب بو از شک ،
هر نقطه سنه شو طول و عرضک
ویرمش قانادیلر ظل دهشت !»

* *

«مشرق او طلال ایله قارارمش
بر بچه سنه بو ملکی آلمش ،

[۲] عقاب ، عینک کسریله : جزا .

[۳] اسکیدن یاپیلان اوقلرک بر اوچنده
قانات رسمی بولونوردی . قارا قوش ، اوق کورونجه
کندی جنسندن بر سلاح کندی اورهش
اولدینه قناعت حاصل ایدیور .

[۴] اسکی چارلق روسیه سی مقصوددر .

بر نجه زمین هنده صالمش ،
مغرب او خیال ایله قارارمش ؟

* *

«باقیمی قایلر عجب او هیکل ؟
ظاهری دیکلدر انتفاخی ؟
هر منتفخنده انفساخی ؟
کیم واردی بو یرده آندن اول ؟»

* *

فرعون نه اولدی ؟ نرده نمرود ؟
کسری نرده ؟ بنای شداد
خاک اولادیمی ؟ جهانی بریاد
ایتمک دیلین قایلری موجود ؟

* *

«شطان کیی واریم باشقا ملون ؟
واردر : بری ده آتک هلاکو !
مشرقده مثال او قانی جادو ،
مغربده نمونه انکیزسیون ؟»

* *

«هپسندده برر عقاب واردر ،
بایراقلرینه اولونسه دقت ؟
ظلم ایله یه من حقوقه خدمت .
یردن کوک بر خطاب واردر !»

* *

اورنک شهابنده مغرور
بیک شاه هزاره منقلبدر ،
بیک زلزله کونده ریرده قاهر ،
بر طلعی ایدر سقوطه مجبور .

* *

هپ قانی آلو صاچان شواحق
بر کون چوکوبور زمینه مطلق ،
بر کون ایدیور تجلی حق
ظلم افسرینه غروبی لاحق !

* *

«برلرده سوروندورر عقابی
دنیا لر صیغنامشکن اول ،
هر جزوی اولور هوا مه مأ کل ،
حقک نه شدیددر عقابی .» [۵]

* *

«برکون بیتیلوب دوشونجه ناکام
طاشندنه قیرارلر ، آتسه برلر ،
حرب آله سی کبردی دیرلر !
بزلر نه دیرز یا ؟ الله ، الله !!»

۱۲۹۷ - ۱۳۳۴

نام کال — علی اکرم

[۵] «ان الله شدید العقاب» آیت کریمه سنه

تلیحدر .

۱ - فرائض دینیه اساسات اجتماعی .

دنیانک الیبیوک وی نظیر مجدد اجتماعی اولان پیغمبرمن اقدام فرائض دینیه نک کیفیت ایفاسی ایضاح ایدیورکن بر طرفدن اخوت و مساوات کی الیبیوک اساسات دیموقراتیه بی، دیگر طرفدن اساسات اشتراکیه بی نظردن دور طوتمامشردر . پیغمبرمنک وضع ایلبیکی قوانین دینیه به نظراً زنکین ، فقیر مسلمانلر ، هانکی عرق ورنکه منسوب اولورلرسه اولسونلر ، هر جمعه کونی جامعلرده طویلانیلرلر و موقع ، وضعیت فرقی کوزه تمکسزین نمازلری بی ، جماعتک انتخاب ایده جکی بر اُمامک آرقه سنده ، ادا ایدرلر . سنده ایکی دفعه ، بتون مسلمانلر ، دها بیوک اجتماعلر عقد ایدر ، نمازلری بی برلکده قیلارلر و یکدیگرلرله ، اک صمیمی حسیات اخوتکارانه بی بیان ایدرک ، مصافحه و معافه ایدرلر . هیچ اولمازسه مدت عمرنده برکوه اولسون بر مسلمان ، بیکلرجه مسلمان قرده شک رفاقتنده ، معین بر زمانده مکّه مکرمه بی زیارت ایدر . عالم اسلامک اوزاق ، یقین هر طرفدن کلن بریده طویلانان و دیکش یوزی کورماش ، عینی بسیط البسه بی اکتسا ایدن ، یالین آیاق ، باش آجیق یوز بیکلرجه مسلمانک اشتراکیله وقوع یولان بومعظم اجتماعده مختلف مملکتلرک امراسی ، فقراسی اسلام سوسیالیزی نامه هر سنه علوی بر تظاهرده بولندقلری کی اخوت و مساواتک فعلی بر نمونه سی عرض ایتکده درلر . بواجتماعده بر پادشاه ایله تسبیح سی ، خواص ایله عوام آره سنده ذره قدر بر فرق کورولمز . اوراده هر کس آکلارک بتون مخلوقات انسانیه بر امت در و عینی اخوتک اعضاسیدر . بواجتماع سنوی ، انسان ایله همجنسلی آره سنده ظاهری و خارجی بر مشابعت ، بر مساوات عرض ایتکله قالماز ؛ بلکه بتون انسانیتک تعقیب ایتدیکی طریقت وحدتی ، ایریشمک ایسته دیکی مفکوره نک برلکینی ده کوستر . بو بیکلرجه کنج ، اختیار ، ارکک ، قادین بوقوم دریالرینه ، صایسز مشکلاته معروض اولورق ، مال و ملککی تملکله دوچار ایدرک ، آنجق تک بر امل ، تک برغایه ایچون کلرکه اوده : انسانه شاخ دامارندن دهسا یقین و هر یرده حاضر و ناظر اولان الله هم عبادت ، هم اودات اقدسک « رب العالمین » اولدیغنی بویله بواجتماع عمومی ده تذکار ایلکدر . اوت ، بوعظیم کتله انسانیه بی طویلالمقدن فایه ، هپ بردن و هپ بر زمانده اخوت عمومی ایله روابط روحیه بی تظاهر ایتدیرمک ، هر مؤمن حقیقیه اللهک ربوبیتی ، « انسانلرک قرده شلکنی » اوکر تمکدر .

مسلمانلرک سلامی بیله اساسات اجتماعی به مبتیدر . بر قاج مسلمان بریده اوتور یورکن دیگر بر مسلمان کلر سه جمله سنه « السلام علیکم » دیر و اوتور انلرک ایچندن بری جمله سنک نامه « وعلیکم السلام » جوابی ویرر .

عصرمنک بر جوق سوسیالیستلری قرده شلری بی مسکراتله « قیزیل دریا » سنه باتمقدن قورقارمق ایچون اللرندن کلن هر تشبیده بولنیورلر .

پیغمبرمن اقدام بونی ده یادی . دیدی که « خری ایچمه بیکر ، چونکه اوبتون خباشک آناسیدر ! » . قرآن کریم ایسه بوصدده شوسوزلری سوبیلور :

« ای اهل ایمان ، شراب ، قمار ، الخ ... هپسی ده شیطان ایشی اولان برر قناقدر . بولردن اجتناب ایدیکر که قورتوله سکر . »

۳ - شفقت اسوی

حضرت محمد اجتماعی اساسلر اوزرینه شفقت تشویق بیورده . « کیون ، دیرک :

« مسلمانلرک شفقت حیواناته قدر شاملدر ، قرآن ، مکرر آقطی و واجب الایفا بر وظیفه اولق اوزره ابنای سبیل ایله احباب ضرورته معاونتی امر ایلر . حضرت محمد ، احتمال که ، وظیفه شفقتی کمال دقتله تعریف ایدن یکانه شارهدر . »

قرآن کریم : « ربا ایله جوغالتمق ایستدیکر اموالی جناب حق جوغالتماز . فقط رضای باری ایچون ویره جککز صدقه لری جناب حق تضعیف ایدر » بیورمقددر .

دیگر بر آیت کریمه : « سودیککز شیلردن اتفاق ایتدیکه خیره نائل اوله مازسکر . » مآلده در .

بونک کی دها بر جوق آیت کریمه واردر . رسول الله اقدام ایسه : « بتون خلق اللهک عیالدر . اللهک مخلوقاتنه اک زیاده اییلک ایدن نزد الهیده اک زیاده مقبول اولاندر » بیوریورلر .

رسول الله « نزد الهیده اک زیاده مقبول اولان کیمدر ؟ » سؤالنه جواباً « نزد الهیده اک زیاده مقبول اولان مخلوقاتنه اک زیاده اییلک ایدن در » دیدیلر .

ینه حدیث نبوی ده : ایستر موفق اولسون ، ایستر اولماسون ، قرده شک احتیاجی ازاله به چالیشانلرک کناهلری جناب حق ، عفو بیورر ، « شفقت هر مسلمان ایچون بر وجهه در . بوجیه بی ایفای قدرتی اولیانلر بر فعل خیرده بولسونلر ، یاخود بر کناهدن اجتناب ایتسونلر . » دییه بویورولمقددر .

ینه رسول الله اقدام « صدقه ویرمک هر مسلمان و اجیدر ، بیورمشر . احباب کرام « فقط ویره جک برشی یوق ایسه ؟ » دینجه « ویره جک برشی یوق ایسه اللریله چالیشسین ، برشی قازانسین ، مستفید اولسون و آرتاتی ویرسین » مآلده جواب ویرمشر . بونک اوزرینه احباب « چالیشمنه و بناء غلیه هم مستفید اولمغه ، هم صدقه ویرمک مقتدر دکله نه یار ؟ » دیمشر . رسول الله اقدام « او حالده . مظلوم و محتاج اولانلره یاردم ایدر » جوابی ویرمشر . بو سفر احباب « یا مظلوملره معاونت ایده مزسه ؟ » فکری در میان ایدنجه رسول الله اقدام : « او حالده هر کسی اییلکه تشویق ایتسین ، ایده مزسه ، هر کسه فنالق یا یتمقدن صاقینسین ، چونکه بوده صدقه ویرمک و شفقت ابراز ایتک کی در » دیمشر . دیگر احادیث شریفده پیغمبرمن بر مسلمان بر آفاج

دیگر ویا برتارلای اکرده بونلردن بر انسان، بر قوش ویا بر حیوان پیرسه بونلرک هبسی اونک دفتر حسانتہ قید اولنور، « برقرده شتک یوزینه کولک شفقتدر »، « نوع بشری مائر فضیلت پرورانه تشویق ایتک شفقتدر . محرماتی منع ایتک شفقتدر . انسانلر یول کوسترمک شفقتدر . اعمایه معاونت ایتک شفقتدر » بیورلر .

پیغمبر مزہ « مسلمانلق ندر ؟ » دییه صورمشلر . « سوزک ایتکیلک شفقتدر » بیورمشلر . قرآن، فناءلرک ایسلک دفع وازالہ سنی تریسه ایتکده در .

مسلمانلقده شفقتک اوج غایہی، فقط اجتماعی بر زمین اوزرہ، استہداف ایتدیکی کورونمکده در :

برنجیسی: فدای نفس روحی ابداع ایله انسانلری منافع فردیہ دن زیادہ منافع مشترکہیہ خادم قیلمق. « کنڈیک آج قال، فقط بشقہ لرینی آج بیراقہ ! » دستوری بو غایہک اساس اولدینی آکلاشیور .

ایکنجیسی: ثروتی امت اسلامیہ آرسندہ متسایاً توزیع ایتک . شفقتی قواعد دینیہ دن کوسترمکده حضرت پیغمبر بیوک بر ثروتہ وارث اولانلرک وضعیت مالیہ سیلہ ہیئت اجتماعیہک اداره جہ اختیار اولیانلرک وضعیتی آرسندہ مساواتی حکمران قیلدی . چونکہ هیچ اولمازسہ معین بر مقداری اقربا و تعلقات اولسده مستحق اولانلرہ ویرمک بر وجیہ دینیہ در . بناء علیہ مملکتک فقرای اہالیسنہ دہا زنکینلر بالاختیار باقیور و حکومت آغیر بر یوکدن و بیوک بر مسئولیتدن قورتولمش اولیور .

اوجنجیسی: فقری، برجنایت دکل، بر فضیلت طانیق . اسلامک الک بیوک آدملری فقیر اولہی ایستزلردی . بالذات فخر کائنات افندہ من « الفقر فخری » بیوردقلری کی « یاربی، بنی فقیر اولہرق یاشات، فقیر اولہرق اولہیم و فقرا ایله حشر اولہیم » دییه دعا ایتشاردر .

بروفسور وامبری، بودایشتہ در، بوسطرلرک محررینہ، دیار اسلامیہ در سنہ لر جہ بش پادہ سز کزدیکنی و اہالی اسلامیہک اوکاہر درلو اکرام و برستہ بولدینی، بشقہ بریرده بوکا قطعاً راست کلہ میہ جکنی بیان ایتلدر .

شرع نہلکسی قارشوسندہ ایتونک اتماری

نان غزنہ سی سویلیور :

« ائتلاف دولتلری شرقہ حربی قزائمق ایچون تورکرہ قارشو سربلرہ استناد ایتدیلر . بوندہ حققری واردی . ائتلاف حکومتلری

ملتلرک حریت و سربستیسی ایچون حرب ایدیورلردی . عرب مملکتلرنده تورک حاکمیتی کنڈی تعقیب ایتدکلری اساسلرہ مخالف ایدی . فقط بوکون ایکی مسلمان عرق یکدیگرندن آیرلدینی و آرتق عرب تورکدن مشتکی بولندینی کی تورکده عرب استقلالنی منع ایدہ مدیکی ایچون ائتلاف دولتلرینک رقابتلرندن استفادہ ایتدکلری ایکی قوہ ملیہی بوکون قارشیلرنده متحد بولملری تہلکہ سی موجود دکلدر ؟ بوتہلکدنک بالخاصہ تہدید ایتدیکی حکومت فرانسه دکلدر . امیر فیصل ایله مذاکرہ ایدن و دہادہ مذاکرہ ایدہ جک اولان فرانسه عرب استقلالنہ قصد ایتیور . برتورک والیسنک آطنہ درہ تأسسنہ مساعدہ ایدن فرانسه تورک اراضیسنک تمامیت ملکیتہ سندہ طوقونق ایستہ میور . فقط فرانسه اوج ائتلاف دولتنہ قارشو هندستاندن مغربہ قدر توسع ایدہ جک بر مسلمان اغتشاشی تنظیمی ایچون احضار ایدلکده اولان ترتیباتی دوشونمکہ مجبوردر .

تورک و عرب مشوقلری آرسندہ موجود اولان مناسباتی و نائق ایله بورادہ اثبات ایدہ جک دکلر . وضعیت اولدقہ معلوم بولدینی ایچون تفصیلاتہ کیریشمک احتیاجی یوقدر . دیگر طرفدن مسئلہ اولدقہ در جدی بولندینی جہتلہ بیودہ شخصیات مسئلہ لرینی موضوع بحث ایتہ مک لازمدر . بوکون ظہورہ کل احوال ائتلاف دولتلرینک تورکیا مسئلہ سنی حل ایتیوب اونک ایله مذاکرہ کیرشمہ ملرندن و تورکیایی یشاتمق ایچون لازم کلن تدابیرہ توسل ایتہ ملرندن نشأت ایتلدر .

فقط ہرنہ اولورسہ اولسون الیوم استقبالی دوشونمک لازمدر . انکلترہ، ایتالیا و فرانسنک شرقہ برنجی درجہ درہ بر طاقم منافی موجوددر . ہراوچی درہ مسلمانلر ایله مسکون واسع برطاقم مملکتلری اداره ایدیورلر . بودولتر نہایت شرقہ صلحی تأمین ایچون نہ زمان ائتلاف ایدہ جکلدر ؟ »

تورک مسئلہ معضلمسی

لوندردہ منتشر دہلی تلغراف غزنہ سنک باش مقالہ سندہ :

« تورکیا مسئلہ معضلمسنک نامتناہی تأخراتہ دوچار ایدلمسندن تولد ایدن نتائج الیمہک ناقابل احتراز اولدینی تحقق ایتلدر .

صاحب قوہ رانسنک خارجندہ کی وقایع ایسہ، دول ائتلافیہ زمامداران حکومتہ دوامی و اساسی بر صلح تأمین ایچون آنجق بر طریق سلیم موجود بولندینی اثبات ایله جک صورتہ بر جریان تعقیب ایتکده بولنلدر .

بر اوتہ دنبری عالم اسلامده مقام خلافتہ قارشو نمایان اولان حسیات مخادنتکارانہک شایان استخفاف بر کیفیت اولدینی قناعت تامہ ایله مدافعہ ایلدک . تورکیا حقوقک عینی ایله بر خرسیتان ملتک حقوق درجہ سندہ حائر اہمیت اولہرق تلقی ایدلمسی لزومندہ اصرار ایلش ایلدک .